

湖北金石志

金石志八

宋

知保順州田承恩誓狀

佚

天聖五年刻石在尖木寨

輿地碑記目

尖木寨在治西南

方輿紀要

施州清江縣有歌羅永寧細沙圖邊尖木夷平六寨

宋史地理志

志

咸平六年生蠻違約丁謂置尖木施州界以控扼之

宋史蠻夷傳

傳

乾興初順州蠻田彥晏率其黨寇施州暗利砦縱火而去
夔州發兵擊之俘獲甚眾承恩者知保順州田彥曉子也

明年彥晏款邊上誓狀願還所掠金帛器械且輸粟二千石自贖詔拒其粟舍其所負金帛第令歸去戶口仍加彥晏廩遠將軍檢校工部尙書承恩檢校國子祭酒兼監察御史皆知州如故

金石存
侯考

皇宋獎諭碑

侯

皇宋獎諭碑轉運使王立奏蠻人上京進奉在路多有攪擾今後只就施州納下貢物支與例物三年一度于元定數內十人量差三兩人上京買賣天聖五年五月日敕

輿地

碑記
目

蠻人納貢物碑

供

蠻人納貢物碑在儀門下天聖五年丁卯立石

輿地碑記目

李秀才東園記

伏猿六一居士集錄入

修友李公佐有亭在其居之東園今年春以書抵洛命修志之李氏世家隨隨春秋時稱漢東大國魯桓之後楚始盛隨近之常與爲鬪國相勝敗然怪其山川土地旣無高深壯厚之勢封域之廣與鄖蓼相介纔一二百里非有古彊諸侯制度而爲大國何也其春秋世未嘗通中國盟會朝聘僖二年方見於經以伐見書哀之元年始約列諸侯一會而罷其後乃希見僻居荆夷蓋於蒲騷鄖蓼小國之間特大而已故於今雖名藩鎮而實下州山澤之產無美材土地之貢無上物朝廷達官大人自閩陝嶺徼出而顯者往往皆是而隨近在

天子千里內幾一百年間未出一士豈其瘠貧薄陋自古然也予少以江南就食居之能道其風上地既瘠枯民給生不舒愉雖豐年大族厚聚之家未嘗有樹林池沼之樂以爲歲時休暇之嬉獨城南李氏爲著姓家多藏書訓子孫以學予爲童子與李氏諸兒戲其家見李氏方治東園往求美草一手植周視封樹日日去來園間甚勤李氏壽終公佐嗣家又構亭其間益修先人之所爲予亦壯不復至其家已而去客漢沔遊京師久而乃歸復行城南公佐引予登亭上周尋童子時所見則樹之蘖者抱昔之抱者枿草之茁者叢茲之甲者今果矣問其遊兒則有子如予童子之歲矣相與逆數昔時則於今七閏矣然忽忽如前日事因歎嗟徘徊不能去噫予方仕宦奔走不知再至城南登此亭復幾閏幸而再至

則東園之物又幾變也計亭之梁木其蠹瓦甃其溜石物其
泐乎隨雖陋非予鄉然予之長也豈能忘情於隨哉公佐好
學有行鄉里推之與予友蓋明道二年十月二日也

李秀才園記歐陽修撰明道二年碑久佚

金石存
佚考

尙書職方郎中分司南京歐陽穎墓誌銘

伏龍六一居
士集錄人

公諱穎字孝叔咸平三年舉進士中第初任峽州軍事判官
有能名卽州拜祕書省著作佐郎知建寧縣未半歲峽路轉
運使薛頴巡部至萬州逐其守之不治者以謂繼不治非尤
善治者不能因奏自建寧縣往代之以治聞由萬州相次九
領州而治之一再至曰鄂州二辭不行初彭州以母夫人老
不果行最後嘉州以老告不行實治七州州大者繁廣小者

俗惡而姦皆世指爲難治者其尤甚曰歙州民習律令性喜訟家家自爲簿書凡間人之陰私毫髮坐起語言日時皆記之有訟則取以證其親入狴牢就桎梏磨冠帶偃箕恬如也盜有殺其民輩氏於市三年捕不獲府君至則得之以抵法又富家有盜夜入啓其藏者有司百計捕之甚急且又大賄之皆不獲有司苦之公曰勿捕與購獨召富家二子械付獄鞠之州之吏民皆曰是素良子也大怪之更疑互諫公堅不回鞠愈急二子服然吏民猶疑其不勝而自誣及取其所盜某物於某所皆是然後譴曰公神明也其治尤難者若是其易可知也公剛果有氣外嚴內明不可犯以是施於政亦以是持其身初皇考侍郎爲許田令時丁晉公尙少客其縣皇考識之曰貴人也使與之遊待之極厚及公佐峽州晉州薦

之遂拜著作其後晉公居大位用事天下之士往往因而登榮顯而公屏不與之接故其仕也自著作佐郎祕書丞太常博士尙書屯田都官職方三員外郎郎中皆以歲月考課次第陞知萬峽鄂閬饒嘉州皆所當得及晉公敗士多不免惟公不及明道二年以老乞分司有田荆南遂歸焉以景祐元年正月二十六日終於家年七十有三祖諱某贈某官皇妣李氏贈某縣君夫人曾氏某縣君先亡公平生強力少疾病居家忽晨起作遺戒數紙以示其嗣子景昱曰吾將終矣後三日乃終而嗣子景昱能守其家如其戒歐氏出於禹禹之後有越王句踐句踐之後有無疆者爲楚威王所滅無疆之子皆受楚封封之烏程歐陽亭者爲歐陽氏漢世有仕爲涿郡守者子孫遂北有居冀州之渤海有居青州之千乘而歐

陽仕漢世爲博士所謂歐陽尙書者也渤海之歐陽有仕晉者曰建所謂渤海赫赫歐陽堅石者也建遇趙王倫之亂其兄子質南奔長沙自質十二世生詢詢生通仕於唐皆爲長沙之歐陽而猶以渤海爲封通又三世而生琮琮爲吉州刺史子孫家焉自琮八世生萬萬生和和生雅雅生高祖諱效高祖生曾祖諱託曾祖生皇祖武昌令諱擢皇祖生公之父贈戶部侍郎諱傲皆家吉州又爲吉州之歐陽及公遂遷荆南且葬焉又爲荆南之歐陽嗚呼公於修叔父也銘其叔父宜於其世尤詳銘曰

壽孰與之七十而老祿則自取於取猶少扶身以方亦以從公不變其初以及其終

尙書職方郎中分司南京歐陽穎墓誌銘從子修撰景祐

元年金石考

游儵亭記

佚錄六一居
上集錄八

禹之所治大水七岷山梁江其一也江出荊州合沅湘合漢
沔以輸之海其爲汪洋誕漫蛟龍水物之作惡風濤晦冥之
變怪壯哉是爲勇者之觀也吾兄晦叔爲人慷慨喜義勇而
有大志能讀前史識其盛衰之迹聽其言豁如也因於位卑
無所以老然其胸中亦已壯矣夫壯者之樂非登崇高之
臨萬里之流不爲適今吾兄家荊州臨大江舍汪洋誕漫
壯哉勇者之所觀而方規地爲池方不數丈治亭其上反以
爲樂何哉蓋其繫壺而歌解衣而飲陶乎不以汪洋爲大不
以方丈爲局則其心豈不浩然哉夫視富貴而不動處卑困

而浩然其心者真勇者也然則水波之漣漪游魚之上下其
爲適也與夫莊周所謂惠施游於濠梁之樂何以異烏用較
魚變怪之爲壯哉故名其亭曰游鯈亭景祐五年四月二日
舟中記

游鯈亭記歐陽修撰景祐五年

金台作
仙書

夷陵縣至喜堂記

仙書
上卷第六

峽州治夷陵地濱大江雖有椒漆紙以通商賈而民俗儉陋
常自足無所仰於四方販夫所售不過鱸魚腐鮑民所嗜而
已富商大賈皆無爲而至地僻民貧故夷陵爲下縣而峽爲
小州州居無郭郭通衢不能容車馬市無百貨之列而鮑魚
之肆不可入顯邦君之過車必當下乘掩鼻以疾趨而民之

列處竈廩區井無異位一室之間上父子而下畜豕其覆皆用茅竹故歲常火災而俗信鬼神其相傳曰作瓦屋者不利夷陵者楚之西境昔春秋書荆以狄之而詩人亦曰蠻荆豈其陋俗自古然歟景祐二年尙書駕部員外郎朱公治是州始樹木增城柵辟南北之街作市門市區又教民作瓦屋別竈廩異人畜以變其俗旣又命夷陵令劉光裔治其縣起勅書樓飾廳事新吏舍三年夏縣功畢某有罪來是邦朱公於某有舊且哀其以罪而來爲至縣舍擇其廳事之東以作斯堂度爲疏絜高明而日居之以休其心堂成又與賓客偕至而落之夫罪戾之人宜棄惡地處窮險使其憔悴憂思而知自悔咎今乃賴朱公而得善地以偷宴安頑然使忘其有罪之憂是皆異其所以來之意然夷陵之僻陸走荊州襄陽至

京師二十有八驛水道大江絕淮抵汴東水門五千五百有
九十里故爲吏者多不欲遠來而居者往往不得代至歲滿
或自罷去然不知夷陵風俗朴野少盜爭而今之日食有稻
與魚又有橘柚茶筴四時之味江山美秀而邑居繕完無不
可愛是非惟有罪者之可以忘其憂而凡爲吏者莫不始來
而不樂旣至而後喜也作至喜堂記藏其壁夫令雖卑而有
士與民宜志其風俗變化之善惡使後來者有考焉耳

聞至喜堂記山谷嘗尚存斷碑數十字在東門民家作砌
石語州守以他石易之

蜀道驛
程記

三游洞題記

未見

洞旁石壁上刻云景祐四年七月十日夷陵歐陽永叔下

缺一字又云判官丁又缺數字丁者寶臣也字元珍今丁
字下二字亦髣髴可見殊不類元珍字又永叔但曰夷陵
不稱令

入蜀記

歐陽修黃牛峽詩碑

佚據本
集錄入

大川雖有神淫祀亦其俗石馬繫祠門山鴉噪叢木潭潭村
鼓隔溪聞楚巫歌舞送迎神畫船百丈山前路上灘下峽長
來去江水東流不暫停黃牛千古長如故峽山侵天起青嶂
崖崩路絕無山上黃牛不下江頭飲行人未向舟中望朝朝
暮暮見黃牛徒使行人過此愁山高更遠望猶見不是黃牛
滯客州

右歐陽文忠公爲峽州夷陵令日所作黃牛廟詩也軾嘗

聞之於公子昔以西京留守推官爲館閣校勘時同年丁
寶臣元珍適來京師夢與予同舟沂江入一廟中拜謁堂
下予班元珍下元珍固辭予不可方拜時神像爲起鞠躬
堂下且使人邀予上耳語久之元珍私念神亦如世俗待
館閣乃爾異禮耶既出門見一馬隻耳覺而語予固莫識
也不數日元珍除懷州刺史官已而予亦貶夷陵令日與元
珍遇不復記前夢六一日與元珍游峽入黃牛廟入門惘
然皆夢中所見予爲縣令回班元珍下而門外鐫石爲馬
缺一耳相視大驚乃問詩廟中有石馬繫祠門之句蓋私
識其事也元豐五年軾謫居黃州宜都令朱君嗣先見過
因語峽中山水偶及之朱君請書其事與詩當刻石廟中
使人知進退出處皆非人力如石馬一耳何與公事而亦

前定況其大者公既爲神所禮而猶謂之淫祀以見其直氣不阿如此感其言有味故爲錄之正月二日眉山蘇軾

書

東坡集

登名山大川閣望天柱諸峯尋歐陽公詩刻不可得惟正德庚辰南太僕少卿西蜀劉瑞所撰黃陵神績頌詞甚馴雅書學歐陽率更碑額篆書亦妙碑首刻鳥獸形甚奇古

蜀道賢程記

至喜亭記

伏據六一居士集錄入

蜀於五代爲僭國以險爲虞以富自足舟車之跡不通乎中國者五十有九年宋受天命一海內四方次第平太祖改元之三年始平蜀然後蜀之絲枲織文之富衣被於天下而貢

輪商賈之往來者陸輦秦鳳水道岷江不絕於萬里之外岷江之來合岷水出三峽爲荊州頓折回直悍怒闢激束之爲湍窮之爲旋順流之舟頃刻數百里不及顧視一失毫釐與崖石遇則糜潰漂沒不見蹤跡故凡蜀之可以充內府供京師而後用乎諸州者皆陸出而其羨餘不急之物乃下於江若棄之然其爲險且不測如此夷陵爲州當峽口江出峽始漫爲平流故舟人至此者必憑酒拜相賀以爲更生尙書虞部郎中朱公再治是州之三月作至喜亭於江津以爲舟者之停畱也且志夫天下之大險至是而始平夷以爲行者之喜幸夷陵固爲下州廩與俸皆薄而僻且遠雖有善政不足爲名譽以資進取朱公能不以陋而安之其心又喜夫人之去憂患而就樂易詩所謂豈弟君子者矣自公之來歲數大

稔因民之餘然後有作惠於往來以館以勞動不違時而人有賴是皆宜書故凡公之佐吏因相與謀而屬筆於修焉

歐陽公撰黃魯直書

人蜀記

夢野亭記

佚

夢野亭在景陵縣治西南隅一曰而盡雲夢野最爲郡中勝絕宋景祐中州守王琪建有記晏殊宋祁吳育蘇紳石

延年皆有詩

一統志

在復州景祐五年郡守王琪撰

輿地碑記目

夢野亭詩

佚

夢野亭詩景祐間諸賢所作

輿地碑記目

尙書屯田員外郎李君墓表

侯據大居
士果錄人

漢水東至乾德漚而南民居其衝水悍暴而岸善崩然其民
尤富完其下南山之材治室屋聚居蓋數千家皆安然易漢
而自若者以有石隄爲可恃也景祐五年余始爲其縣令旣
行漢上臨石隄問其長老皆曰吾李君之作也於是喟然而
歎求李君者得其孫厚厚舉進士好學能自言其世云李氏
貝州清河人君舉進士中酒化三年乙科鎮州真定主簿齊
化基爲吏以強索自喜惡君廉直不爲屈多求事可釀爲罪
者責君理之君辨愈明不可污卒服其能反薦之遷威虜軍
判官秩滿河北轉運使又薦爲冀州軍事判官逾年吏部考
籍凡四較考者外皆召還公考當召是時契丹侵邊冀州獨

乞畱君督軍餉課爲最多遷大理寺丞乘傳治壁州疑獄旣還轉運使又請通判冀州督旁七縣軍餉課尤多而民不勞遭歲飢悉出庾粟以貸民且曰凶甚必復使豐而歸諸庾是化吾朽積而爲新乃兩利也轉運使以爲然因請君益貸貝魏滄冀諸州後歲果豐飢民德君粟歸諸庾無後者蓋賴而活者數十萬家轉運使上冀人言乞畱許畱一歲就拜殿中丞歲滿將去冀民夜私入其府塹其居若不可出君諭之乃得去通判河南未幾契丹兵指邢洛天子擇吏之能者改君通判邢州其守趙守一當守邢以扞寇辭不任邢事天子曰李某佐汝可無患守一至邢悉以州事任君御史中丞王嗣宗辟推直官遂薦爲御史以疾不拜求知光化軍作所謂石隄者孫何薦其材拜三司戶部判官改知建州皆以疾辭又

求知漢陽軍居三歲而漢陽之獄空者二歲卒以疾解退居於漢旁大中祥符六年五月某日卒於家遂葬縣東遵教鄉之友于村子孫因畱家焉君諱仲芳字秀之享年五十有三官至尙書屯田員外郎君爲人敦敏而材以疾中止余聞古之有德於民者歿則鄉人祭於其社今民旣不能祠君於漢之旁而其墓幸在縣余今也又不表以示民嗚呼其何以章乃德俾其孫刻石於隧以示君之揚

歐陽修撰景祐三年

金石存佚考

永春縣令歐君墓表

佚據六一居士集錄入

君諱慶字貽孫姓歐氏其上世爲韶州曲江人後徙均州之鄭鄉又徙襄州之穀城乾德二年分穀城之陰城鎮爲乾德

縣建光化軍歐氏遂爲乾德人修嘗爲其縣令問其故老鄉
閭之賢者皆曰有三人焉其一人曰太傅贈太師中書令鄧
文懿公其一人曰尙書屯田郎中戴國忠其一人曰歐君也
三人者學問出處未嘗一日不同其忠信篤於朋友孝悌稱
於宗族禮義達於鄉閭乾德之人初未識學者見此三人皆
尊禮而愛親之旣而皆以進士舉於鄉里而君獨黜於有司
後二十年始以同三里出身爲潭州湘潭主簿陳州司法參
軍監考城酒稅遷彭州軍事推官知泉州永壽縣事而鄧公
已貴顯於朝君尙爲州縣吏所至上官多鄧公故舊君絕口
不復道前事至終其去不知君爲鄧公友也君爲吏雖貧宗
族之幼孤者皆養於家居鄉里有訟者多就君決曲直得一
言遂不復爭人至於今傳之嗟夫三人之爲道無所不同至

其窮達何其異也而三人者未嘗有動於其心雖乾德之人
稱三人者亦不以貧賤爲異則其幸不幸豈足爲三人者道
哉然而達者昭顯於一時而窮者泯沒於無迹則爲善者何
以勸而後世之來者何以考德於其先故表其墓以示其子
孫君有子世英爲鄧城縣令世勛舉進士君以天聖七年卒
享年六十有四葬乾德之西北廣節山之原

歐陽修撰景祐三年在光化縣今已佚

金石存
佚考

尚書都官員外郎歐陽公墓誌銘

歐陽六一居
士集錄人

公諱某字曰華於檢校工部尚書諱託彭城縣君劉氏之室
爲曾孫武昌縣令詩彬蘭陵夫人蕭氏之室爲孫贈太僕少
卿諱偃追封潘原縣太君李氏之室爲第三子於修爲叔父

修不幸幼孤依於叔父而長焉嘗奉太夫人之教曰爾欲識爾父乎視爾叔父其狀貌起居言笑皆爾父也修雖幼已知太夫人言爲悲而叔父之親也歐陽氏世家江南僞唐李氏時爲鹽陵大族李氏亡先君昆弟同時而仕者四人獨先君早世其後三人皆登於朝以歿公咸平三年舉進士甲科歷南雄州判官隨闕二州推官江陵府掌書記拜太子中允太常丞博士尙書屯田都官二員外郎享年七十有九最後終於家以慶曆四年三月十日葬於安州應城縣高風鄉彭樂村於其葬也其素所養兄之子修泣而書曰嗚呼叔父之亡吾先君之昆弟無復在者矣其長養教育之恩旣不可報而至於狀貌起居言笑之可思慕者皆不得而見焉矣惟勉而紀吾叔父之可傳於世者庶以盡修之志焉公以太子中

允監興國軍鹽酒稅太常丞知漢州維縣博士知端州桂陽
監屯田員外郎知黃州遷都官知永州皆有能政坐舉人奪
官復以屯田通判歙州以本官分司西京許家於隨復遷都
官於家遂致仕景祐四年四月九日卒公爲人嚴明方質尤
以潔廉自持自爲布衣非其義不輒受人之遺少而所與親
舊後或甚貴終身不造其門其蒞官臨事長於決斷初爲隨
州推官治獄之難決者三十六人洪山奇峰寺聚僧數百人
轉運使疑其積物多而僧爲姦利命公往籍之僧以白金千
兩餽公公笑曰吾安用此然汝能聽我言乎今歲大凶汝有
積穀六七萬石能盡以輸官而振民則吾不籍汝僧喜曰諾
飢民賴以全活陳堯咨以豪貴自驕官屬莫敢仰視在江陵
用私錢詐爲官市黃金府吏持帖強僚佐署公呵吏曰官市

金常有文符獨不肯署堯咨雖憚而止然諷轉運使出公不使居府中鄂州崇陽素號難治乃徙公治之至則決滯獄百餘事縣民王明與其同母兄李通爭產累歲明不能自理至貧爲人質春公折之一言通則具伏盡取其產鉅萬歸於明通退而無怨言桂陽民有爭舟而相毆至死者獄久不決公自臨其獄出囚坐庭中去其桎梏而飲食之食訖悉勞而還於獄獨畱一人於庭畱者色動惶顧公曰殺人者汝也囚不知所以然公曰吾視食者皆以右手持匕而汝獨以左今死者傷在右肋此汝殺之明也因卽涕泣曰我殺也不敢以累他人公之臨事明辨有古良吏決獄之術多如此所居人皆愛思之公娶范氏封福昌縣君子男四人長曰宗顏次曰宗閔其二早亡女一人適張氏亦早亡銘曰

公之明足以決於事愛足以思於人仁足以施其族清足以
潔其身而銘之以此足以遺其子孫

尚書都官員外郎歐陽公墓誌銘姪修撰慶曆四年葬應

城縣高風鄉彭樂村

金石考

岷山石幢題刻十一段

有在襄陽
羊公祠

襄陽復羊公祠帖

有正書在
弟一面

使帖襄陽縣

準慶曆七年十一月六日中書劄子

襄陽奏當州

城南伍里

已來有岷山壹所有古跡碑文數座及有晉太傅羊祜祠
廟此廟年□□□守□已□襄□□□遶□地土共

約伍頃已來先自當州節度推官□□□射上件地土充
爲己業□年□納稅錢壹伯文自後□□□□□□□
□□人□□□□□□□□□□斫伐樹木淨盡兼
從刀口是州縣顏料將此件山地只出些小稅錢□付與人
並□□□開朝廷及申轉運使□指□□□經理交給□
司□□稅錢□□□□□□□□□□中書劄子奉旨諸處神
廟不得擅行毀折內係祀典者如有□□□□□脩□仍
令都□□□□□□□□□□行者□□□□□
□□□□□官及於襄陽縣簿書內除落稅錢壹伯文所
有古跡晉太傅羊祜廟係□當州□□□□□□□
□□□□□□□□□□□□□□□□□□□
旨指揮令襄陽縣再行□劄屋宇每年春秋依諸廟例破係

省錢祭祀準□□施行勅□□□□□人□□上件此
山地土斫伐樹木□□□□□□□□□□朝廷特降
勅命指揮今後不許諸色人請□上件地木所伐樹木所貴
遵守施行□□專□□勅旨內載聖旨依奏割付□□準此
有事須帖襄陽縣限帖到如詳中書劄子內聖旨指揮□□
據峴山羊公祠廟連此施行勒本城分人□耆□□□切□
禁今後不許諸色人等再斫伐□木仍勅所□疾速采石大
字書寫篆刻上件中書劄子壹本於峴山上安立□□□年

月 日帖

右襄陽縣帖嘉慶通志未載全文第一行六日之六據驛
程記補襄州奏當州五字據池北偶談補之案羊祜傳云
襄陽百姓於峴山祜平生遊憩之所建碑立廟歲時饗祭

是羊公祠實始於晉也厥後興廢未及深考此因規復祠
廟地土奏奉準行給付使帖并敕刻石是時爲慶曆七年
奏請者蓋卽王洙觀後詩刻可知焉碑云上有古跡碑文
數座考其時墮淚碑已三易石矣他如胡熊周訪桓宣諸
碑之在峴山者或亦猶在

王洙等峴山詩刻

石刻碑六面而五佚
共二十九截正書

峴山詩

尙書工部員外郎直龍圖閣知襄州事王洙

此十七字一行

襄陽南出大路奔小山曰峴名特尊山形卑而不峻極屹若
巨首臨江瀆大山半宮不成霍絕水閣左非爲疊阻巔最肩
戴危石箕踵曼衍羅芳蓀漢流長瀆其足東望瀾迤皆平

原標頭下闕寄集蔡洲近眺田園蕃何物茲山匪秀出得

使今古間聽噴自昔羊公好登覽山名直右第二面

為賢者存鹿門望楚鎮區境鳳林冠蓋足山樊丹巖翠壁互

湘勝日月虧蔽煙嵐屯公胡遣彼而樂此談者未始聊詮論

吾道聖遠意超豁高覽便欲周乾坤孔登泰山小天下阮升

廣武歎豎昏會稽探穴禹書出之眾望海雲詩翻此中風景

亦虛遠極目見盡江山源東吳水平勢機策置酒嘯詠紆勤

煩歎顧潤甫恤躬後俄將百歲游精魂對公右第二面

盛德與山永正惟選輩如公言今蘇公傳千載凛然英氣

猶軒軒我來追古一長息舊迹廢殿悲吾民豪占山童其

木嘉植不得容本根利取樵蘇積桐桑陌之陶旌供燒燔羊

公無庸忽不祀但縱淫鬼欲奪壘中亭台肆即墮淚至今隄

者懷仁思於民何誅不足問非民忘德由官惜下教里邑復

祠宇序之祭典竊之元思仁愛樹恭所焚禁右第四面

上樵伐修墻垣且欲王命得守固勝言狀事紀九關果聞天

子棠報可金石款刻垂後昆使民永念古遺愛最爾風化常

丕敦

此行係范

詩標題

此行係范

仲淹銜名

休哉羊叔子輔晉功勳大化行江漢問恩被疆場外中國倚

而安治為天下最開府多英僚置有弟五面

第一截

酒每高會徘徊臨峴首興言何慨此山自古有游者千萬

輩潭滅皆無聞空悲歲月過公乎仁澤深風采獨不昧於今

墮淚

碑觀之益感戴卓有王原叔文學偉當代一麾守襄陽

高懷極恬退山姿列雲端江響拂天籟行樂何逍遙覽古忽
感慨不見叔子祠蕪沒民時內千金贖故基廟貌重營繪襄
人復其祀水旱有攸賴太守一興善比戶皆有弟六面
弟一截

歡快源叔政

可

歌又留千載愛

奉同袁州龍圖學士復峴山詩

端明殿學士兼翰林侍讀學士守禮部侍郎充集賢殿脩撰知河陽事李淑

峴山如閭闔襄廬南鎮平野實留愛談官邪俗淪祭不屋君來
懷古茵悲慙孤竿欽峴漢之曲雲梁月皐萬螺蠹輕裘四眺
風物佳賓客文章歡喜促酒酣慨涕邀靈期金碑揭然民哭
遣斧薪弗萌召棠樹蕭鼓相傳樂社祠使君籍在華光省秩
廢諷新刻有弟七面
弟一截

章請篆楹扁采神宴娛比故鏡堅詩播永我嘗學史稱君伐

又感先賢祀無歇德名信與蒼崖俱曠貴紛紛煨壤滅

覽襄陽王龍閣及通判延平峴山詩因成一絕

給事中知蔡州事吳

有

羊公千載得

清

吟芳迹雖

逸

契昔

心

更

與

峴山爲故事凜然

風格照來今

峴山羊公新祠感

右第二面

第二載

尙書屯田員外郎知光化軍事李

宗易

此行十五字

叔子祠荒歲已深異時賢守重登臨峴山岑寂瞻風概漢水

靈長想德音奉詔始聞新締葺有知邶復歎

堊

沈又刊翠炎

畱南夏先後功名照古今

奉同襄州龍圖復峴山詩

提點河東刑獄尙書祠部員外郎張

去歲

此行十六字

漢江千里清溶溶惟此南夏奠其中因山爲城恃險固一國

形右第三面
第二截

勝何高雄巍然巨首名曰峴回壓勢尊且崇東扼迅流疑

引翼西峙郡阜如盤龍嵌巖峻拔不可擬絕岸高丈凌長空

下闕澄潭迴無際旁睨比屋幾可封天意造物豈虛設

鎮楚倚降降自昔登憩且非一此山振動惟羊公有志平吳

通秘嘗竭心衛晉振元功級懷遠達人所服開墾田疇時以

豐慨然晉活迴清曠中郎幕府賢而通語公有弟四面弟二截

令望高圓海名與斯山永無窮自是綿綿歷歲久閱碑墮淚

存遺蹟亭廟浸壞詎可究山歸民籍未以童前知興衰故有

日覽者歎憤追無從龍圖王公守茲土修舉廢墜詰初終感

物思人但長息剡章疾置問曰曉聖衰動色可其請茲山復

興氣象融曉曉大原揭亭宇肅肅真像嚴祠宮遂使靈光享

血食集右第五面

第二截

樵復肥客恪恭大抵有功及民物盛德期與天地充今之視

古皆一致休哉千載懷清風

奉

同下

缺

太

常博士孫抗

天下名山數南國峴首首推襄漢域前年假節使湖外道出

銅鞮一攀陟檀溪西下煙雨繁夢澤南迴雲霧織絕壁頽巖

畫障開陽林雜蘓天光逼飄然不減京臺樂城闕絃歌野耕

樞

借問

右第六面
第二截

人心誰見思雲來遠庇羊公德乃知仁愛與山俱奚用沈碑

銜金刻退詢耆舊訪詞宇遲拜丹青紀聰直佛藍神館鬱和

望獨此寂寥遺盼飾樂公燕國戚藩佐朱邑桐鄉嗇夫職居
民立社中詔嘉撫舊勸來區淑慝指期還臺首章奏立使閤
宮膏血食半塗得郡旋治中迴睇鳳林空太息仙郎作鎮未
期月起廢補亡罄心力凡子所欲塵右第七面

黠聰文符一一條其極庚桑畏巽既禪薦魯國靈光亦顛踣

由晉至今更幾秋隼千旗龍伏軾但矜心文□形勝誰祀

賢人思物色公當左□乃□□只□徊翔預倫□漢波平遠

山邈然共仰羊王碧充□

奉同前

太子府率致仕李康伯

賢哉西晉鉅平侯刻碑立祠在荊州州民萬家見之者拊面

沈右第二面
第三截

潤雙淚下逮今

總

愿幾百祀峴山

2536

然臨漢水碑鉏祠廢榛

莽中蕭蕭只有悲風起
內閣深沈侍從臣
赤離阜蓋來行春

惡

懃拂碑復祠貌一朝舊

述重

如新山光蔥蒨水清冽天長

地久無時別古人今人

空范

范惟是功名不能滅

奉同前

著作

郎范

或

南

命

要地出

水控雄壯峨峨

卷三 賦三 四

時峴首

藏書

丁卯

羣峯相迤

進

頑
□

周

111

漢流

汪
汪

女
□

漲原

錯

利

組雲

藏續續景物草四時誌

莖狀

羊公昔鎮撫平吳啓霸王經國有

餘

裕
□

此登訪表

表

形勢歲月

[illegible]

右弟四面
第三截

姓
所
悲
各
坐

所
名
所

此行係草
詩之標題

大理寺丞革不伐

羊公民定深原叔復善政維時有第五面

流聲詩才德交輝映
第三截

此行係賈
詩之標題
將作監丞通判襄州事實歸

古郡襄水陽羣山陵郭郭其間見首者羊公最所樂登臨見

州諸氣象眞公乎既已沒高碑此鑿鑿廟食有遺像當

時盛丹雘到今僅千載碑廟皆頽落喬木荒榛閒廟址存依

約碑倒石屢易文字免缺錯我侯至之初亭廟皆新作爲詩

道其意風古弟六面

化思所託侯慕羊公心仁政及物博將見襄陽治與古相侔

若

奉同舅氏襄州龍圖復峴山詩

大理評事通判蔡州事劉敞

道攸寄先覺神契無近知彼美羊公意今在峴山詩陵谷非

一變榮名獨至茲當時偶然語曰與來者期慷慨激悲歌崔

嵬構叢祠懷哉千歲後慰此江漢思公亦蹈前人方爲帝王

師奮筆成不朽何翅中

右弟七面
弟三截

亭碑

同襄陽龍圖岷山詩

河陽節度推官裴呈

襄陽有佳山名著無如曉
嘗休賢達是我猶愧未踐君侯把

毫符政暇興不發命車極
登臨旌旆通谷轉心思羊鉅平息

樹宜勿剪于今戴清風整整如冠冕高碑本墮淚雨
漬空苔

蘇廟祠委榛蕪奚勸
千載善馳章勳天聽盡以功烈件果聞

右第二面
弟四截

帝曰俞恢宗明祭典哦詩序其事筆銳犀可剽景
無一髮遺

榮若丹青展乃知覽觀時非止在遊衍聲氣異代同美從江

漢顯

科

州觀察推官馬

雄南方強吳恃割據選命

思羊公江山襟帶

晉功公明
高賢第四
第三面

無

新就峯巔作亭舍

古意深何窮無止回

品叢草森木林叢

清嵐翠

閻老分符一千石

租絶逋負里社歌

嬉其中崖條嶺蔓雜丹白澗花滿眼羅青紅磴道逶迤陟紫

屈選若巾展騰秋空豈獨游觀樂閑燕園樹佳政希下

前風經山粗得究本末強顏慎寫慙非工音辭鄙俚雖一唱

下詞寒苦無怡態

奉同前

守宜城縣令連庠台弟五面

大江西來遠重城猶如叢花正練紫左山右阜若開避會是

峴首當頭橫江衡山不動滔滔滔客浪東南傾體然巨勢

歷歷境萬是不得專雄名四時美景千百狀登臨可以揔襟

靈近麓采藍秋水淥幽巖團纈春葩明寒林蕭疎四面合夏

木延哀長川青危巖碑墊邇鰲於陰崖檜老蛟龍形俯瞰洲

島相向背風恬江面羅敘生魚船數百集其右弟六面弟四截

下瞥然來往一葉輕波底崢嶸沈翠影槎頭鳬鴈斂霜翎天

然嘉致信可尙直是丹青寫不成叔子當年樂山水每來置

酒空壚嬰賢達勝士共愛此謂此風景魁南荆荆人被化思

不已立祠山椒供祭牲爾來綿亘幾千歲瓦飛棟撓誰經營

守臣罕肯著腳到遂至占固屬兼并非憚鳩工繕完葺誠知

仁政難繼聲帝眷襄陽毘重鎮宜從內閣擇右弟七面弟四裁

名明公之來百城悅壺漿竹馬相歡迎政成公休屢登覽

山前車騎長晶熒僚空寓目看不足詩豪佚發翰情誠乃教

僚屬復祠宇仍從嶺上新虛亭歲時遊憩備言詠荆人愛之

猶鉅平羊公之政公之化異時一致當同評兩賢繼美何以

況山之永兮江之清

奉同前

均州鄖鄉縣尉黃通

右第二面
弟五截

仙翁移守明年春□書小子中自論□嗟羊公不血食乃表

乞廟于山樊因復爲山發風詠辭氣浩浩涵胚渾又不東弃

賤且鄙似欲餽敵聯輿璫捧詩郎能測涯岸但覺俗骨銷沈

昏師丈之命重違辟手摩空腹強忍言召伯聽訟棠樹下後

人思伯樹不殘羊公遊處峴山首遂人見山卽汎瀾或者怪

之輒致詰厥□何惠

通元元答云賢者豈徒

右第三面
弟五截

爾其事

雖遠迹可根

昔者

鄖縣

□三姓

竊出窺

中原野

鬼狂神盜

社稷

渴龍飢虎搖乾坤

于是生物

乃何物蛇豕口

吻恣吐吞丁

黃郛復

顧邦土荒城白晝啼幽冤□石未安晉

已奪晉□將

至

漢之漬公來有意補膏血

圖重黔首輕

兒孫

朝

問疾苦

萬室

莫復

通逃問

四門眾化以

衛公以道人侯

以威公以恩□□□時用□□使民□戴如右弟四面

□□不然楚山盡奇秀豈特懷□□□村山舊有亭亭有碑

碑前□見墮淚痕獨使庭堅忽不祀可□□今古多朱轡仙翁

下車郡即治旋日鞭馬城南犇踟躕山頭念往事言不輕發

心暗捫吾州祠宇數十百何功何惠牲牢飧而令公作若敖

鬼嗟我庸敢誇雄藩玉書尋許□祀典庶令賢者終天存士

民敬美□□詔□□日右弟五面

□新宮垣梁國人吳毀淫祠泰伯子胥方獨尊南陽守陸祠

子陵淞東薄俗漸已敦仙翁還作叔子廟漢南又開風教源

誠令身在名滅者放目仰視慙英魂鳳林古景絕無盡禾算

水木兼蘭蓀山前遊騎試思否此山不直供翠樽

羊太傅祠內石幢一枚刻宋慶曆七年十一月六日中書

劄子及尙書工部員外郎直龍圖閣知襄州事王洙原叔
重建羊侯祠廟詩和者范文正公端明殿學士兼翰林侍
讀學士尙書禮部侍郎充集賢殿修撰知河陽軍事李淑
尙書屯田員外郎知光化軍事李宗易提點河東路刑獄
尙書祠部員外郎張去誠太常博士孫抗大理寺丞章不
伐給事中知蔡州事吳育太子府率致仕李康伯大理評
事通判蔡州事劉敞匠作監通判襄州事賈黯河陽節度
推官裴昱滄州觀察推官馬雲均州鄖鄉縣尉黃通守宜
城縣令連庠

蜀道驛
程記

所刻諸詩自驛程記所錄十五人外尙有著作佐郎范微
之凡十六人池北偶談謂詩可辨者三首

王洙吳育李宗

易而萬國襄陽志僅載十首

王洙范仲淹劉敞賈黯裴昱

連庠張去感李康伯馬雲章不伐康熙志僅載六首王洙

范仲淹劉敞賈黯裴昱連庠乾隆志亦祇載十二首王洙

范仲淹吳育李宗易張去感李康伯章不伐賈黯劉敞裴

昱馬雲連庠今考李淑詩字書完好孫抗詩缺十二字黃

通詩缺二十五字亦皆可讀惟范微之詩僅存七十五字

其文為不具耳金石存佚考有說山詩刻三百四十四

詩紀事李淑等和之刻於石幢起弟二面今歲橫列周轉

同統面各五載訖七面四載而止凡廿九載不著書人名

亦不見年月嘉慶通志云王洙宋城人仁宗時知襄州案

史附其從子堯臣傳云應天府虞城人則志作宋賊者誤

也石刻結銜與傳合據傳洙平蘇舜欽累蠲知濠州徙襄

州又從毫州入除史館檢討更修撰遷知制誥考仁宗紀

皇祐元年詳定入禁知制誥王洙言舊樂宮小而向大云

帖額於慶曆七年十一月計此詩之刻當在八年之後復祠

與使帖同時上石惟幢之第八面刻皇祐五年張遵等題

名刻此詩時何以空此一面豈刻於皇祐五年後耶然作

詩之時實未改皇祐之前和詩者有范文正文正奴於

仲淹詩卓有王原叔原作源忽感慨作思感慨李淑詩官
邪俗論論作論彖稽弓采作寓曠貴貴作首李宗易詩南
夏作南紀孫抗詩退詢者舊退作退盼飾作務飾戚藩作
感藩管作榮于與作千旗公當下缺左字預倫口缺倫字
其仰羊王缺其字李康伯詩亦缺離作惟慙作勤范微之
詩觀首作漢首雲口劉敬詩日與來者期日作王恩此江
各坐所名所十一字劉敬詩日與來者期日作王恩此江
漢思此作彼裴昱詩盡以功烈作缺盡字馬雲詩添清雄
缺泰字選命作選令森木缺本字連序詩嘉致作佳致頂
是作只是昆重無昆作日江之清江作永黃通詩明年作
前年強忍言忍作亦邦土作邦木用上缺時字特作奔言
不輕發缺言字士民欲美日語美作笑并缺詔守口口
日口新宮垣缺日字方獨尊方作古潮作漸故目作收目
又驛程記張去賦銜名內河東下多一路字茲悉據石正
之

張遵等題名

特正

京西提點刑獄尙書職方員外郎張遵同提點刑獄東頭供
奉官閣門祗候康遵度因按部經峴首登賞焉尙書屯田員

外郎通判襄州黃孝立太常博士知襄陽縣事王嘉錫偕從

皇祐癸巳重九日嘉錫題記永興軍牋後有張遵衍名云鄧州觀察使駐泊馬步軍副都部

署其管句屯駐本城就其馬公亭在前此十九年當即其人卒獨卷一百三十四載此及下截孫願等題名云未詳是

何準劉益僅見此一面也癸巳為皇祐五年

劉元瑜等題名

有古詩第七面此詩之下

天章閣待制知邵事劉元瑜新保州倅虞部郎中路綸郡倅

比部外郎朱适部巡檢崇班王世良長林令何昇穀城令張

唐英襄陽尉李旭同遊岷山置酒賦詩嘉祐六年辛丑十月

四日竹山令權襄陽縣安宗稷奉命書按劉元瑜有傳云河南人除三司監鎮副

使以天章閣待制知潭州又知廣州改信襄二州元瑜又有

新黃縣題名云天章閣待制知襄州劉元瑜君玉云云左

此刻之前一年其字君玉史所不載路綸見其父路振傳云

錄其子綸奉應郎蓋以門蔭初除之職而累應遷擢俱所弗

補見此題各知其會係保州及虞部郎中矣又重修仙鶴觀
記碑末有路綸銜云云補部員外郎知河南府後氏縣事上
輕車都尉賜緋魚袋則在此前十一年朱适名見馮京傳張
唐英字次功羅都新津人史謂其弟商英傳但言擢殿中侍
御史而不及其為縣城令通志載其政績云縣圖茂駐蓋貸
種與民還其陳復記取息錢費指為富縣唐英至空其園植
千株樹作都亭其中聞者各
羨蓋為瑞自好者算以風世

孫頤等題名

存正書在張
題題各下

太守孫頤景脩同湘南運使苗時中子居運判唐義問君益

遊此熙寧丙辰仲春十六日

按孫頤字景脩長沙人感象之
長子咸平間進士官至太常少

卿自號拙翁英宗時知桂陽監嘗為拙翁銘刻於鹿頭山脊
劉摯忠肅集有和其闕鹿頭山詩苗時中宿州人史有傳載
其為廣西運副而不及湘南可據以補史之缺湖南通志職
官神宗朝失載其名亦當據補唐義問江陵人史附其父唐
介傳擢湖南轉運判官此但云運判而不系以何地者因上
有湘南字而統之也傳云字士宣而石刻云君益與傳不符
黃堯允等題名

存正書刻弟
二面第六截

黃堯允元之提刑湖南石璘子

文奉使襄

廣胡宗同純夫別

於峴山之亭元豐庚申仲冬癸巳

宗同謹令男義脩題

按胡宗同字臨夫常州晉陵人史附其從父有傳紹聖初知隨州蘄州此

刻尚在前也謂南通志職官不載黃堯允當據於神宗朝

賀君儀等飲餞題名

存正書刻弟四面
第六截之右半

畢長進代歸賀君儀趙德麟李汝益馬汝植童君序魏道輔

周共叔同饒紹聖丁丑二月三日

岑巖起等飲餞題名

存正書六行刻弟五面第六截
後兩行刻弟四面第六截之左

郡太守岑巖起飲餞前熙帥鍾翁于此吳周臣趙德麟魏

道輔李方叔俱至

元符元年六月十日

右題名在襄陽謝樸園手摹寄予文云郡太守岑巖起飲
餞前熙帥鍾弱翁于此吳周臣趙德麟魏道輔李方叔俱
至元符元年六月案直齋書錄解題德隅堂畫品一卷李
廌方叔撰趙令時德麟官襄陽行橐中諸畫方叔皆為品
評之元符元年也此題麟方叔俱至正方叔在德麟幕時
矣樸園客新野為峴山之遊遍拓諸石記自為校錄雅興
不減方叔予故略著其蹤迹使後有考也

授堂金石文字續跋按岑巖

起名象求梓州人終實文閣待制人黨籍全蜀藝文志載其游定林院詩趙德麟名令時太祖次子燕王德昭元孫元祐中簽書判州公事坐與蘇軾交通罰金入黨籍紹興初襲封安定郡王同知行在大宗正事薨贈開府儀同三司皆見宋詩紀事鍾弱翁名傳樂平人以集賢殿修撰知熙州以所奏乖異褫職崇圖中復起知河中府見史傳

吳周卿等題名

存正書左行刻
第六面第六截

吳周卿趙德麟趙君度謝公定魏道輔魏承老同來庚辰二

月六日

按趙德麟號道輔履見於此轉庚辰當是元符三年

范準夫等題名

存正書雜行筆左行
刻第三面第六截

范準夫汾橄覆檢襄陽邂逅李子昂蔡昌期同宿鹿門別院
次早再登

崇圖壬午仲春初三日

王厚之等題名

存正書刻第六面
第五截岷山詩後

圖熙乙巳臨川王厚之

順伯被

命措置郵傳至襄陽孟冬二日還轅

胸山高仲一永嘉劉義山中山閣口英餞別于峴首天宇清

肅北望中原慨然久之

羊公祠有石幢一枚凡八面高六尺每面闊九寸有蓋有

座一面直書下第一行刻使帖襄陽縣第二行準慶厯七

年十一月六日中書劄子襄州奏當州城南五里有峴山

一所上有古祠紫石刻碑又紫石刻有晉太傅已下俱磨

滅僅存聖旨字末行上存帖到速采石大字書刻上件其

六面界作六層上作五層刻詩下一層題名又一面大書

題名宋人餞飲題名甚多題名者張唐英趙德麟魏道

輔岑巖起李方叔凡七則大者方員徑寸小者殺其半字

畫端勁非俗書也池北偶談

峴山石幢題名自皇祐癸巳至圖熙乙巳凡九則相去一

百三十三年蓋先後上石者古人立碑不必盡刊於此可

見

金石錄卷之九 有題名九段 卒編只載其二 餘未之見 也 聖朝自唐 勅 據 嘉慶 通志 補之 其有可考證者 分載於

各段之後 絕北 補錄 以爲 七則 雖未 編審 之耳

荆門軍景德玉泉禪院唐賢留題詩序碑

未見據金石錄卷之九 有錄

宣德郎大理寺評事監鄧州酒稅張田撰

朝請郎守大理寺丞簽書判官廳公事張仲回篆額

朝請郎太常博士知軍事管內勸農事上騎都尉借緋謝顥立石

田少與中州士人遺名者第天下佳山水處或道荆門之玉

泉昇之棲霞齊之靈巖台之國清諸寺以爲四絕景德中天

子知其地勝異率詔召擇名俗居之又以年紀表其額故結

方外之遊者迹或不至不足爲好事慶曆七年冬田自武當

再謫郢且走荊州圖母兄荆距玉泉才再宿心竊幸之意平
昔之慕今遂適焉明年春始造山山之雄迤崛起上薄氣象
長松萬株夾道十里如六師介冑申令既定奮然將作高盤
孤撐虎鳳軒翥寺掛巖腹翠微旁來危樓橫橋下走清籟流
逕西北玉泉之源纍纍明珠直出數竇風霽日皎鑒人毛髮
時無友人獨攜二三子留山中攀幽覽勝下上晦顯或嘯天
外卻醉水邊回顧身世使人羞恥之郢之明日道出軍下軍
守曲臺謝公好古博雅君子也喜田之遊且曰玉泉予之境
土恨守符未能往前使寺僧錄唐賢畱題自曲江而下止近
代浮圖齊已才得八篇僧云異日詩殊多第往有大水漂去
予惜其遂散亡欲鑲石以記其事予爲我序焉敢拜命因道
山之崖略八年七月七日謹序

桐華蓋山途經玉泉寺 張九齡

指途躋楚望策馬効荆岑稍稍松篁入泠泠澗谷深觀奇逐
幽映應險忘矚嶽上界投佛影中天揚梵音焚香懺在昔禮
足誓來今靈異若有對聖僊其可尋高僧聞逝者遠俗是初
心辭殷經行處猿啼宴坐林歸眞已寂滅留迹豈堙沈法施
自茲廣何云千萬金

又冬中至玉泉寺屬窮冬永閉崖谷無色及仲春行縣復往
焉故有此作

靈境信幽絕芳時重暄妍再來及茲勝一遇非無緣萬木柔
可結千花敷欲然松間鳴好鳥竹下流清泉石壁開精舍金
光照法筵眞空本自寂假有聊相宣復此灰心者仍追巢頂
禪簡書雖有畏身世亦俱捐

陪張丞相祀紫蓋山途經玉泉寺 孟浩然

望秩宣王命齋心待漏行青襟列冑子從事有參卿五馬尋
歸路雙林指化城聞鐘度門近照瞻玉泉清阜蓋依松憩鎬
徒擁錫迎天宮上兜率沙界豁迷明欲就終焉志先聞智者
名人隨逝水沒山欲覆船傾想像昔在眼周流空復情謝公
還欲臥誰復濟蒼生

畱題玉泉寺 常建

清晨入古寺初日照高林竹路通幽處禪房花木深山光悅
鳥性潭影空人心萬籟此都寂但餘鐘磬音

按此首誤收

畱題玉泉寺 白居易

雲樹玉泉寺肩輿半日程更無人作伴惟共酒同行新葉千
萬影殘燭三兩聲閒游意未足春盡有餘清

按此首誤收

留題玉泉寺 周朴

寺還名玉泉澄水亦遭賢物尙猶如此人爭合偶然溪流雲
斷外山峻鳥飛前初日長廊下高僧正坐禪

題玉泉大師智者影堂 僧齊己

大化終華頂靈蹤示玉泉山來負高尙獨向好山川洞壑藏
諸性杉松列曙煙千秋空樹影猶似覆長禪

又己丑歲十一月二十六日因禮大師真跡獲覽張丞相孟
襄陽二公聯唱題版遂有降款而作是詩

雙韻高懸張曲江聯吟兼是孟襄陽後人才地誰稱短前輩
經天盡負長勝境飽于閑采拾靈蹤消得正思量時移兩版
成塵迹猶掛吾師舊影堂

馬案右碑宋慶園問荆門軍守曲臺謝顓使寺僧悟空錄

唐張九齡孟浩然周朴常建白居易僧齊己六人詩八篇
大理評事張田爲之序鑄諸石初立荆門惠泉側後爲好
事者移去元至大間寺僧鑄請於郡侯昇回玉泉本寺於
碑題下刻皇慶改元大歲壬子結制日當代住持佛光普
照永福大師廣鑄重立二十七字碑先列張田序題宣德
郎大理評事監郢州酒稅張田撰文下接書八年七月七
日謹序無年月文內有慶曆七年冬田自武當再謫郢又
明年春始造山之語知爲慶曆八年也後列張曲江等詩
八首界爲二層後再題朝請郎守大理寺丞簽署判官廳
公事張仲回篆額爲一行額已失又題朝奉郎太常博士
知軍事管內勸農事上騎都尉借緋謝顗立石爲一行以
上俱正書完好又臨邊上方有皇明萬曆四年元日御史

中丞西蜀張佳胤新安任參軍夢榛同觀行書三小行字
今在當陽縣玉泉山顯聖寺前橋南路側下卽玉泉泉發
源於羅漢山青溪嶺之西數竇中出又曰眞珠泉晉郭璞
遊仙詩序稱玉泉潛行九萬八千里通天竺注震旦蓋指
此唐李白答族姪僧中孚詩云嘗聞玉泉山山洞多乳窟
是也蜿蜒屈曲溉田萬頃東南三十里徑縣城南五里與
沮水會注於江玉泉與清溪異源同流水經注載清溪而
不及玉泉漏也又案常建詩云清晨入古寺初日照高林
竹路通幽處禪房花木深山光悅鳥性潭影空人心萬籟
此都迹但餘鐘磬音乃題破山寺後禪院之作白居易詩
云雲樹出泉寺肩輿半日程更無人作伴惟共酒同行新
葉千萬影殘照三兩聲閒遊意未足春盡有餘情本集題

作獨遊玉泉寺自註三月三十日此詩之前間吟二首末
間道山儒發明朝向玉泉則玉泉寺指洛中之玉泉均與
此無涉謝顓誤錄之也 又案碑陰凡三截刊臨沮散人
衛應辰移立唐賢詩碣記及廣鑄唐賢詩碣跋其二則衛
不書年月鑄有至大四年辛亥歲良月既望當代住持佛
光慧日普照永福大師鐘山廣鑄題等字中截剝落無字
跡上截鐫太常卿劉一儒唐賢詩碣跋語題萬曆乙亥夏
五月念一日十字又刊荆西道王埏唐賢詩碣跋一則亦
萬曆乙亥年也

湖北金石詩注

碑在當陽玉泉寺中乃皇慶元年本寺住持廣鑄重立者
碑載唐張說以下詩八篇然常建白居易二首尙屬假借
也其旁刻云萬曆元年御史中丞西蜀張佳胤新安任參

軍夢榛同觀

金石存
佚考

連處士墓表

佚據六一居
士集錄入

連處士應山人也以一布衣終於家而應山之人至今思之其長老教其子弟所以孝友恭謹禮讓而溫仁必以處士爲法曰爲人如連公足矣其矜寡孤獨凶荒饑饉之人皆曰自連公亡使吾無所告依而生以爲恨嗚呼處士居應山非有政令恩威以親其人而能使人如此其所謂行之以躬不言而信者與處士諱舜賓宇輔之其先閩人自其祖光裕嘗爲應山令後爲磁郢二州推官卒而反葬應山遂家焉處士少舉毛詩一不中而其父正以疾廢於家處士供養左右十餘年因不復仕進父卒家多故貲悉散以周鄉里而教其二子

以學口此吾贊也歲饑出穀萬斛以糶而市穀之價卒不能
增及笏近縣之民皆賴之盜有竊其牛者官爲捕之甚急盜
窮以牛自歸處士爲之媿謝曰煩爾送牛厚遺以遣之嘗以
事之信陽遇盜於西關左右告以處士盜曰此長者不可犯
也舍之而去處士有弟居雲夢往省之得疾而卒以其柩歸
應山應山之人去縣數十里迎哭爭負其柩以還過縣市市
人皆哭爲之罷市三日曰當爲連公行喪處士生四子曰庶
庠庸膺其二子教以學者後皆舉進士及第今庶爲壽春令
庠爲宜城令處士以天聖八年十二月某日卒慶厯二年某
月某日葬於安陸蔽山之陽自卒至今二十年應山之長老
識處士者與其縣人嘗賴以爲生者往往尙皆在其子弟後
生間處士之風者尙未遠使更三四世至於孫曾其所傳聞

有時而失則懼應山之人不復能知處士之詳也乃表其墓以告於後人八年閏正月一日廬陵歐陽修述

述處士墓表歐陽修撰慶曆八年在應山縣今已佚金石考佚

江濱南廟碑

佚

江濱南廟有一碑前進士曾華旦撰言因山崩石壓成此灘害舟不可計於是著令自十月至十二月禁行知歸州尚書都官員外郎趙誠聞於朝疏鑿之用工八十日而灘害始去皇祐三年也蓋江絕於天聖中至是而後通然灘害至今未能悉去

人蜀記

蠻人田承恩等誓柱文

皇祐五年歲次癸巳立略曰皇明如日所照不偏睿愛若
天無遠不覆洞蠻人輸忠事國刻石設盟謹當固草莽之
命以奉本朝無復肆犬羊之狂以觸憲網所有歸順蠻供
納結牢重誓款狀鐫之用傳不朽他誓文皆不經惟此可
讀故錄

輿地碑
記目

鄭工部文寶詩

扶掖座
史錄人

花時懶看花來訪野僧家勞師擊新火勸我雨前茶

工部在京山有寒食日經秀上人詩云花時懶看花來訪
野僧家勞師擊新火勸我雨前茶其詩篆書刻石在縣多

寶寺中

史

鄭工部文寶詩刻

佚據塵
史錄人

得罪先朝出粉閣五原功業有誰知年餘放逐無人識白雪
關頭一望時 皇祐□□京山尉王□□重書刻石

鄭工部文寶將潛陝西經畫靈武後謫監郢州京山縣稅
過信陽軍白雪驛作絕句久而湮沒莫有知者先君皇祐
間尉是邑重書於碑後亦亡郢刊工部詩集亦無之曰得
罪前朝出粉閣五原功業有誰知年餘放逐無人識白雪
關頭一望時史

房州修城記

佚

至南門得石表曰修城記乃皇祐中草竊王倫者嘯聚均

房問陳公弼守房陵時所作

張舜民房州修城碑矣記

懷忠堂記

佚

至和中蔣概作懷忠堂記謂戰國距今作者如宋玉則止於辨玉寢止于懷劉向止于歎賈誼止于弔皮日休止于諷梁竦則止于悼騷而已揚雄大儒猶曰遇不遇命也何必湛身哉不知先生之心三仁之心也蔣概有三游洞記與周茂叔俱游則處友必端矣

輿地碑記目

右班殿直贈右羽林軍將軍唐君墓表

佚據六一居士集錄入

嘉祐四年冬天子既受祫享之福推恩羣臣并進爵秩既又以及其親若枉若亡無有中外遠邇於是天章閣待制尚書

戶部員外郎唐君得贈其皇考號衛府君爲右羽林軍將軍
府君諱拱字某其先晉原人後徙爲錢塘人曾祖諱休復唐
天復中舉明經爲建威軍節度推官祖諱仁恭仕吳越王爲
唐山縣令累贈諫議大夫父諱謂官至尙書職方郎中累贈
禮部尙書府君以父廢補太廟齋郎改三班借職再遷右班
殿直監舒州孔城鎮澧州酒稅巡檢泰州鹽海場漳州兵馬
監押乾興元年七月某日以疾卒于官享年四十有六府君
孝弟于其家信義于其朋友廉讓于其鄉里其居於官名公
鉅人皆以爲材而未及用也享年不永君子哀之有子曰介
字子方舉進士皇祐中嘗爲御史以言事切直貶春州別駕
當是時子方之風慄動天下已而天子感悟貶未至而復用
之今列侍從居諫官自子方爲秘書丞始贈府君爲太子右

清道率府率其爲尙書主客員外郎殿中侍御史襄行又贈
府君爲右監門衛將軍其爲尙書工部員外郎直集賢院權
闕封府判官又贈府君爲右屯衛將軍其遷戶部員外郎河
東轉運使又贈府君爲驍衛將軍蓋自登于朝以至榮顯遇
天子有事于天地宗廟推恩必及焉府君初娶博陵崔氏贈
仙游縣太君後娶崔氏贈清河縣太君皆衛尉卿仁冀之女
生一男介也五女長適太子中舍盧圭次適歐陽昊早卒次
適橫州推官高定次適進士陸平仲次適著作佐郎陳起慶
麻三年八月某日以府君及二夫人之喪合葬于江陵龍山
之東原後十有七年廬陵歐陽修乃表于其墓曰嗚呼余於
此見朝廷所以褒寵勸勵臣子之意豈不厚哉又以見士之
爲善者雖堙沒幽鬱其潛德隱行必有時而發而遲速顯晦

在共子孫然則爲人之子者其可不自勉哉蓋古之爲子者
祿不逮養則無以及其親矣今之爲子者有克自立則尙有
榮名之寵焉其所以教人之孝者篤於古也深矣子方進用
於時其所以榮其親者未知其止也姑立表以待焉

右班直贈右羽林軍將軍唐君墓表歐陽修撰嘉祐四年

在江陵今已佚

金百存
欲考

玉泉寺鐵塔題識

存十三級高七丈題
識正書陽文在當陽

荆門軍當陽縣玉陽鄉山□村八渠堡佛弟子郝言同婁韓
氏爲闔家眷屬等持發至誠捨鐵十萬六千六百斤詣景德
玉泉禪院鑄□□舍利寶塔□□十三級伸意者上谷當今
皇帝聖祚無窮輔弼臣僚公忠盡節軍縣牧宰祿位遷榮歲

序豐登

□□追薦亡過曾祖母史氏祖郝謙祖母楊氏亡考郝遷亡妣楊氏亡叔郝福叔母劉氏亡兄郝丞亡兄郝□郝寶亡新姊李氏亡妻韓氏二娘亡妻胡氏亡姊郝氏二娘亡妹郝么娘亡姪女師姑女亡姪師買亡女師姑亡男橋仁亡女人□
□生界者 具施主郝言見在谷屬名如右姑郝氏么娘姊郝氏大娘妹郝氏三娘嫂韓氏大娘妻唐氏二娘女弟子李氏三娘男希顏希孟希仲希□希仁女郝氏大娘小大娘三娘六娘七娘八娘姪男希逸希魯姪新婦何氏十二娘姪女郝女二娘姪孫僧時皇宋嘉祐六年辛丑歲八月十五日弟子郝言造

馬案右塔題時皇宋嘉祐六年辛丑歲八月十五日弟子

郝言題一行十字塔十三級高七丈重十萬六千六百觔
荆門軍當陽縣玉陽鄉山口村入渠堡郝言施鐵鑄造題
字在第二層凡四面一面列長陽當陽峽州彝陵等縣令
及參軍巡檢等官姓名一面列當陽縣眾姓人氏一面列
僧眾等法名一面專敘郝氏祖先及言現存親屬名氏末
行即前題款也按郝氏祖先及言現存親屬名氏今釋如
右

上泉寺□叔平等題名

有正書
在荆門

嘉祐壬寅□載正月辛亥長林□春興叔平持□□計□
寶□□□着□□隱父尋春到□□□□含醉嘗泉石□
□□□□樂無已折山梅金□□□□暝西歸是日□□□□

□□□爲下缺

馬案石在荆門州北二十里上泉寺題嘉祐壬寅□載□

□長林□□□叔平正□計□□□□隱父尋春到□

□含醉嘗泉石□□□無已折山梅□□□曠西歸是□

□□□□共八行存三十字字徑二寸許楷書字體離奇

如今所存宋板書字筆法湖北金石記注按新搨多數

故也

上泉寺蘭坡季沂等題名

存分書

淳熙戊申中元後二日蘭坡到此偕虞季沂何公直

馬案石題臨熙戊申中元後二日蘭坡到此偕□季沂何

公直二十字八分書四行行五字字徑二寸在荆門州上

泉寺山壁戈法巖巖知非俗手特蘭坡不知何許人而同

遊二人又一失其姓爲可惜也

湖北金石詩注 按季沂姓似是處字

上泉寺楊輔題名

存行書

余守江陵之四年徙襄陽幕屬廬陵胡渠仲方追送至此篝
火游泉上比曉再至益不忍去泉深無底環以蒼崖古木陰
森薄人視蒙泉猶人境也迺託仲方書之巖壁嘉泰改元夏
四月辛丑遂寧楊輔嗣勳□

馬案右題云余守江陵之四年徙襄陽幕屬廬陵胡渠仲
方追送至此篝燈遊泉上比曉再至益不忍去泉深無底
環以蒼崖古木陰森薄人視蒙泉猶人境也迺託仲方書
之巖壁嘉泰改元夏四月辛丑遂寧楊輔嗣勳□七十九

字共十行行八字字徑三寸正書在荆門城北二十里上
泉寺後山足石壁按宋史傳楊輔乾道二年進士甲科召
試館職除祕書省正字累遷戶部郎中總領四川財賦并
大府少卿尋召守祕書監禮部侍郎以顯謨閣待制知江
陵府移襄陽於慶元二年赴江陵至嘉泰元年徙襄陽今
云余守江陵之四年徙襄陽嘉泰元年書之巖壁官職年
月皆與史合

湖北金石詩注 按徙誤
從火誤燈皆據本更正

上泉寺劉光祖題名

書行

上泉山下石叢叢小似飛來天竺峯草木自腴巖自秀幽姿
不肖入塵中碧玉潭深黃玉花逆經聽徹便爲家憑君爲我
頻膏雨長使村村足稻麻

簡池劉光祖自襄陽帥爲京湖制置使過荆門上泉之勝攜家來遊嘉定五年二月九日

馬案自荆門上泉寺石壁鐫詩二首詩云上泉山下石叢叢小似飛來天竺峯草木自腴巖自秀幽姿不肯入塵中其二云碧玉潭深黃玉花通經聽徹便爲家憑君爲我頻管領長使村村足稻麻後題簡池劉光祖自襄陽帥爲京湖制置使過荆門上泉之勝攜家來遊嘉定五年二月九日三十四字行書按宋史傳劉光祖字德修簡州陽安人登進士第高熙五年除太學正寧宗時除右文殿修撰知襄陽府進寶謨閣待制知遂寧府改京湖制置使著有後溪集十卷詩無宋人習氣字亦筆力遒勁

湖北金石詩注